

Ayacucho - Munaykuna Qellqapa - Lust Scriptures

Éxodo 15:9 Enemigom nirqa: “Haypanaykamam qatisaq, qechusqaytam rakinakusaq, chayraqmi saksasqa hina kasaq, espadayta hurqospam chinkarachisaq”, nispa.

Éxodo 18:21 Runakunamanta akllay chaypaq hina qarikunata, Dios respetaqkunata, cheqap rimaq qarikunata, qollqe kuyayta cheqniqkunata. Paykunatam churanki waranqa runakunapi, pachak runakunapi, pichqa chunka runakunapi chaynataq chunka runakunapi, kamachikuqkuna kanankupaq.

Éxodo 20:14 Amam hukwanqa waqllikunkichu.

Éxodo 20:17 Amam munapayankichu runamasikipa wasinta, warminta, criadanta, criadonta, toronta, asnonta nitaq ima kapuqnintapas, nispa.

Números 11:4 Israelpa mirayninkunamanmi huklaw llaqtayuq runakuna hukllawakaramurqa. Paykunam wiksanku huntachiyllapi yuyaymanaqku. Chaymi Israelpa mirayninkunapas paykunata qatipakuspa kaynata nispa waqarqaku: ¡Maypiraq aycha mikuykunanchikpaq!

Deuteronomio 5:21 Amam runamasikipa warmintaqa munapayankichu, nitaq wasintapas, allpantapas, criadontapas, criadantapas, torontapas, asnontapas nitaq imantapas, nispa.

Deuteronomio 12:20 Sichum allpaykichikta Señornikichik Tayta Dios mirarachiptinqa, aychanayasusqaykichik punchawpim aychata mikunkichik.

Deuteronomio 22:22 Sichum pitapas casada warmiwan huchapakuchkaqta tariruspaykichikqa iskaynintam wañuchinkichik. Chaynata ruwaspm qamkunamanta mana allin ruwayta chinkachinkichik.

Josué 7:21 Jericó llaqtamanta apamusqanchik kaqkunamantam, Babiloniamanta kaq kuyayllapaq capata, iskay chunka kimsayuq kilo qollqeta hinaspa medio kilo pesaq qorita rikururqani. Chaykunatam kuyaruspay hapikurqani, hinaspaymi carpaypa chawpinpi allpa ukupi pamparurqani, qollqepas chaykunapa ukunpim pakasqa kachkan, nispa.

Salmos 10:3 Mana allin runaqa mana allinkuna munapayasqanmantam alabakun; kikillanpaq munaq runaqa Tayta Diostapas ñakaspam mana kaqpaq hapin.

Salmos 78:18 Munasqanku mikuya mañakuspankum Tayta Diosta tentarqaku.

Salmos 78:30 Ichqa manaraqpas saksachkaptinkum, mikusqankupas siminkupiraq kachkaptinmi,

Salmos 81:12 Chayraykum munasqankupi kawsanankupaq saquerurqani, chaymi munasqankuman hina kawsakurqaku.

Salmos 106:14 Chunniqpipas munasqallankuta mikuya munaspankum Tayta Diosta piñachirqaku.

Salmos 119:36 Kamachikuynikikuna kuyaqtayá sonqollayta ruwaykuy, mana allinkunata ruwaspa apuyaruymanta waqaychaykuway.

Proverbios 1:19 Chaynam tukuy imayuq karuya munaq runaqa, chay munaynillanmi wañuymapas apanqa.

Proverbios 6:25 Amayá kuyayllapaq kaynintaqa munapayaychu, amataq qawasusqaykiwanpas sonqoykita suwarachikuychu.

Proverbios 15:27 Apuyayllata maskaq runaqa wasintam tuñichin, sayniyachikuya cheqniqmi ichaqa kawsakunqa.

Proverbios 21:25,26 Qella runaqa tukuy imayuq kaytam munan, ichaqa manam llamkayta munanchu. 26 Qella runaqa hukpa kaqtam imatapas munan, Allin ruwaq runam ichaqa imallantapas qokuykun.

Proverbios 28:16 Mana yachayniyuq runa kamachikuspanqa ñakariyllatam mirachin, apuyaruyllata cheqniqmi ichaqa unay watakunata kawsakunqa.

Isaías 56:11 Paykunaqa mikuspapas mana saksaq allqokunam, mana imatapas musyaq michiqkunam; sapakama munasqankuman hina kawsaqkunam, kikillankupaq chaskikuy munaqkunam.

Isaías 57:17 Engañaspa mana allinkunata ruwasqanraykum piñakuspay Israelta ñakarichirqani, piñakuyniypim paymanta pakakurqani; Aswanqa paymi mana kasukuq rikurirurqa, munasqallan ruwaymanmi qokururqa.

Jeremías 6:13 Paykunaqa hatunpas taksapas llapallankum apuyayllamanña qokurunku, profetankunawan sacerdotenkunapas engañakuqlañam rikurirunku.

Jeremías 22:17 Qanmi ichaqa mana allinkunata ruwaspa apuyaruyllapi richkanki; inocente runakunatam wañuchinki, llaqtaykitapas maqa-maqrispam llamkachikunki.

Jeremías 51:13 ¡Yaw, Babilonia nación! Iskay hatun mayukunapa chawpinpim yachanki, tukuy imayuq apu-apum kankipas. Puchukanayki punchawmi chayaramunña, wañunayki punchawmi chayaramunña.

Ezequiel 6:9 Wañuymanta puchuqkunam may nacionmanña preso apasqa kaspankupas ñoqamanta yuyarinqaku. Paykunaqa waqllikuruq warmi hina kaspanku idolokunataña yupaychanankupaq ñoqata saqueruwasqankumanta castigasqaytam yuyarinqaku, hinaspm kikinkupunipas millakuypaq ruwasqankumanta penqakunqaku.

Ezequiel 14:4,5 Chaynaqa, ñoqa Tayta Diospa nisqayta paykunaman kaynata niy: Israelmanta pipas idolokuna yupaychayman qokuruspa huchallichiqninkupi hapipakuchkaspa profetaymanraq tapukuq hamuqkunataqa, tukuy rikchaq idolonkunaman hinam contestasaq, nispayki. 5 Icharaqpas chaynata ruwaptiy tukuy rikchaq idolokunata qatispa qepanchawasqankumanta wanakunmanku.

Ezequiel 22:12 Runamasinkuta wañuchinankupaqmi qollqeta chaskikunku. Qollqetapas mirayniyuqlapaqmi prestanku; runamasinkutam ñakarichinku; tukuy chaykunata ruwaspankum qonqaruwanku. Ñoqa Tayta Diosmi chaynata nini.

Ezequiel 33:31 Chaynapim runaykunaqa costumbrenkuman hina uyarinankupaq hamuspanku ñawpaqnikipi tiyaykusparaq uyarisunki, ichaqa manam ruwayman

churanqakuchu. Paykunaqa kuyanakuqunapa takinta hinaraqmi rimanku, sonqonkum ichaqa qollqellapi yuyaymanachkan.

Oseas 4:12 Llaqtaymi kullumanta idolokunata tapukun, chay kulluñataqmi paykunaman kutichin. Aychankupa munasqanta ruwaspankum mana allin ñanninta pasakunku, chuchumikayaruspam ñoqa Diosninkumanta karunchakurunku.

Oseas 5:4 Mana allin ruwasqaykichikmi Diosman kutirikunaykichikta harkarusunkichik, chuchumika hina kawsakuynikichikmi Tayta Diosta reqsikunaykichiktapas harkarusunkichik.

Miqueas 2:2 Paykunam hukpa chakranta otaq wasintapas munaruspaqa suwaypawan qechuruspa hapikuykunku, dueñontapas aylluntinta ñakarichispam Iliw herencianta qechurunku.

Nahúm 3:4 Chaykunam pasakuchkan, kuyakuq tukuq chuchumika warmikunapa llumpa-llumpay qanrakuyninkurayku. Paykunam sumaqllata engañaspanku, qanrakuyninkuwan nacionkunata tuñichirqaku, layqa kayninkuwanñataqmi runakunata wichichirqaku.

Habacuc 2:9 Suwakuspalla wasinta huntachikuq runa, mana allinmanta ayqenanpaq alto-altopi quesanta ruwakuruq runa, jímallapiraq rikukunki!

Mateo 5:28 Ñoqam ichaqa nikichik: Pipas warmita munapayaspan qawaqqa sonqonpim waqllikurunña.

Marcos 4:19 ichaqa kay pachapi kaqkunamanta preocupakuykunam, qori-qollqella maskaykunam hinaspa tukuy ima munapayaykunam paymanta munaychakuruspan Diospa palabranta chinkarachin, chaynapi mana rurunankupaq.

Marcos 7:22 waqllikuykuna, imatañapas munapayaykuna, mana allin ruwaykuna, engañakuykuna, vicioman qokuryukuna, envidiakuykuna, cuento qepi kaykuna, hatun tukuykuna, mana allin tanteaykuna.

Lucas 3:14 Soldadokunapas tapukuspankum nirqaku: ¿Imatataq ñoqaykuqa ruwasaqku? nispanku. Juanñataqmi nirqa: Amayá pitapas manchachispaqa nitaq yanqamanta tumpaspaqa imantapas qechuychikchu. Pagoykichikwanyá contentakuychik, nispa.

Lucas 12:15 Nirqataqmi: Qollqella kuyaymanta cuidakuychik. Runaqa manam tukuy imayuq karuspachu allinta kawsanqa, nispa.

Lucas 16:14 Tukuy chaykunatam qollqella kuyaq fariseokunapas uyarirqaku, hinaspm Jesusmanta burlakurqaku.

Juan 8:44 Qamkunapa taytaykichikqa diablom, chaymi paypa munasqallanta ruwankichik. Diabloqa qallariyinmantapuni runata wañuyman apaqmi karqa, paypi mana cheqap kasqanraykum cheqap kaqpipas mana takyanchu. Llullata rimaspanqa kikillanmanta kaqtam riman, chayna kasqanraykum haykam llullakuqkunapa taytan.

Hechos 20:33 Ñoqaqa manam pipa qollqentapas, qorintapas nitaq pachantapas munapayarqanichu.

Romanos 1:24-29 Chayraykum Diospas millakuypaq kawsakuyamanña kachaykun, mana allin sonqonkupa munasqanpi purinankupaq, chaynapim kikinkupura qanrakuspanku hatun millakuypaq kaqkunata ruwanakunku. 25 Diospa cheqap kaqninkunatam tukuy llulla kaqkunamanña tikrarunku, hinaspm unanchaq Diosta qonqaruspanku unanchasqan kaqkunataña yupaychaspa servinku. ¡Diosllam wiñaypaq yupaychasqaqa kanan! Amén. 26 Chayraykum Diospas millakuypaq ruwaykunamanña saqeykun. Chaynapim warmikunapas manaña qariwan kaspa mana ruwanakunataña ruwanku. 27 Chaynallataqmi qarikunapas, manaña warmiwan kaspa, kalintapi animal hinaña kallpakachaspanku qaripuraña munapayanakunku, hinaspm millakuypaq mana ruwana kaqkunata kikinkupura ruwanakunku, chaynapim chay millakuypaq kaqkuna ruwasqankumanta castigota cuerponkupi chaskispa ñakarichkanku. 28 Diosta mana kaqpaq hina hapisqankuraykum, Diospas mana allinkuna yuyaymanaymanña saqeykun, chaynapi mana ruwana kaqkunataña ruwanankupaq. 29 Chaymi paykunaqa kay mana allin ruwaypa huntasqan kachkanku: Waqllikuqkuna, millakuypaq kaqta ruwaqkuna, qollqella kuyaqkuna chaynataq hukpa kaqninta munapayaqkuna, runa wañuchiqkuna, kikillanpaq munaqkuna, engañakuqkuna peleolla kuyaqkuna, cuento qepikuna,

Romanos 6:12 Chaynaqa, amayá wañuruqlla cuerpo y kichikpi hucha munaychakunantaqa saqeychikchu, nitaq mana allin munayninkunatas kasuychikchu.

Romanos 7:7 Hinaptinqa, ¿imanisuntaq? ¿Leyqa huchachum? ¡Manapunim! Mana ley kaptinqa manachá yachaymanchu karqa imam huchallikuy kasqantapas. Manachá yachaymanchu karqa runapa kaqnin munapayayqa hucha kasqanta: “Amam munapayankichu” nispa ley mana niptinqa.

Romanos 13:9 Kaynatam wakin kamachikuykunapas niwanchik: Amam waqllikunkichu, amam wañuchinkichu, amam suwakunkichu [amam llullataqa willakunkichu], nitaqmi pipa imantapas munapayankichu, nispa. Kay kamachikuywan wakin kaqkunaqa hukllawakun: “Runamasikitam kikita hina kuyanki” niq kamachikuypim.

Romanos 13:14 Aswanqa Señorninchik Jesucristowan pachallikuychik, aychapa munaynintapas amaña ruwaychikchu.

1 Corintios 5:10,11 Kaywanqa manam nichkaykichik kay pachapi llapallan huchapakuq runakunamanta, qollqella kuyaqkunamanta, suwakunamanta, ídolo yupaychaqkunamanta pasaypaq rakikurunaykichiktachu, chayna kaptinqa kay pachamantaqa lloqsikuchwanñachiki. 11 Qellqamurqaykichikqa iñiqmi kani nichkaspa huchapakuqkunawan, qollqella kuyaqkunawan, ídolo yupaychaqkunawan, cuento qepikunawan, sinkakuqkunawan hinaspm suwakunawan mana hukllawanakunaykichikpaqmi. Chaykunawanqa amam kuskapas mikunkichikchu.

1 Corintios 6:9,10 ¿Manachu yachankichik Diospa munaychakuyninmanqa mana allin ruwaqkunaqa mana yaykunanta? Amayá engañakuuchikchu: Diospa

munaychakuyninmanqa manam yakyunkachu: Huchapakuypi puriqkunaqa, ídolo yupaychaqkunaqa, waqllikuqkunaqa, nitaq warmiwan hina qarimasinwan kaqkunaqa, 10 nitaq suwakunaqa, qollqella kuyaqkunaqa, sinkakuypi kaqkunaqa, cuento qepikunaqa nitaq engaňakuqkunapas.

- 1 Corintios 10:6 Chaykunaqa pasakurqa ñoqanchikpaq huk ejemplo hina kananpaqmi, chaynapi paykunapa mana allin munapayasananchikpaq.
- 1 Corintios 12:31 Qamkunaqa Diospa allinnin atiynintayá maskaychik. Ñoqam ichaqa imaynam aswan allin kawsanaykichikta qawachisqaykichik.
- 1 Corintios 14:39 Wawqe-panikuna, profetizaytayá aswanqa munaychik, amataqyá mana yachasqa rimaykunapi rimanankutaqa harkakuychikchu.
- 2 Corintios 9:5 Chayraykum kay wawqekunata mañakurqani puntata watukamusunaykichikpaq, chaynapi manaraq hamuchkaptiyku prometekusqaykichik kuyakuy ofrenda huñuypi yanapasunaykichikpaq, chaynapim chay ofrendaykichikqa kuyakuunikichikmanta kanqa, manam mañasqaykuman hinachu.

Gálatas 5:16-20 Chaynaqa, nimuykichikmi: Chuya Espiritupa munasqanman hina kawsaspaqa, aychapa munasqantaqa amaña ruwaychikchu. 17 Aychapa munasqanqa Chuya Espiritupa contranpim kachkan, Chuya Espiritupa munasqanñataqmi aychapa munasqankunapa contranpi kachkan. Iskayninku contranakuptinmi munasqaykichik ruwaytaqa mana atinkichikchu. 18 Chuya Espíritu pusasuptikichikmi ichaqa manaña leypa munaychakusqanchu kachkankichik. 19 Suti reqsiyllam aychapa munayninkunaqa, chayqa kaykunam: Waqllikuykuna, uywanakuykuna, millakuypaq ruwaykuna, manaña penqarikuspa qanrakuykuna, 20 ídolo yupaychaykuna, layqanakuykuna, cheqninakuykuna, liryanakuykuna, envidiakuykuna, piñakuykuna, kikillanpaq imapas munaykuna, rakinakuy hatarichiykuna, pantaywan apachikuykuna,

Gálatas 5:24 Haykam Jesucristopiña kaqkunaqa aychapa munasqantaqa, munapayayninkunawan kuskatam chakatarunchikña.

Efesios 2:1-3 Huchaykichikrayku wañusqa hina kachkaptikichikmi Diosqa kawsarichisurqankichik. 2Wañusqa hinaqa karqankichik kay pachapi mana allin ruwaqkunata qatipakuspakichikmi hinaspa wayrapi mana allin espirituqunapa kamachikusqanta kasukuspakichikmi. Kunapas chay mana allin espirituqa Diosta mana kasukuqkunapim munaychakuchkan.

3Ñawpaqtaqa Iliwmi ñoqanchikpas kawsarqanchik mana allin piensasqanchikkunaman hina munasqallanchikpi purikuspa hinaspa aychapa munasqallanta ruwaspa, chayraykum llapa runakunawan kuska castigopaqña karqanchik.

Efesios 4:19 Paykunaqa manaña penqakuq rikuriruspankum tukuy imaymana qanra kawsayllapi purikuchkanku, millakuypaq kaqkunata ruwaspankum aswan-aswanraq chayna kawsayta munachkanku.

Efesios 4:22-27 Huchaman aysaqnikichikmanta karunchakuspayá amaña ñawpaq

kawsaynikichikpi hinañachu puriychik, chayna kawsayqa pantachisuspaykichikmi mana allinllata munachisunkichik. 23 Yuyaymanaynikichiktayá musoqyachiychik. 24 Hinaspayá musoq runawan pachakuychik, Diosman rikchakuq kanaykichikpaq, chayna runatam Diosqa unancharqa cheqaptapuni mana huchallikuq justo kananpaq. 25 Chaynaqa, amaña llullakuspa cheqaptapuni runamasikichikwan rimaychik, llapanchikmi huk cuerpopa partellan kanchik. 26 Piñakuspaqa amataqyá huchallikuychikchu, amayá inti seqaykunankamaqa piñakuruychikchu. 27 Huchaman diablo urmachisunaykichiktaqa amayá saqekuychikchu.

Efesios 5:3,5 Qamkunaqa Diospa sapaqchakusqanmi kankichik, chaynaqa amañayá rimayllapas rimariychikchu huchapakuymantaq chaynataq millakuypaq kaqkunamanta nitaq qollqella kuyay huchakunamantapas. 5 Kaytayá yachaychik: Pipas huchapakuqkunaqa, millakuypaq hucha ruwaqkunaqa hinaspa idolokuna yupaychaq hina qollqella kuyaqkunapas, Cristopa hinaspa Diospa munaychakusqanmanqa manam yaykunqachu.

Colosenses 3:5 Chaynaqa, aychapa mana allin ruway munayninkunatayá wañuchiychik: Amayá huchapakuychikchu, amayá millakuypaq kaqkunataqa ruwaychikchu, amayá mana allin munaywanqa aysachikuychikchu nitaq intuchikuychikchu, amataqyá qollqella kuyaqqa kaychikchu, (qollqe kuyayqa idolokuna yupaychay hinam).

- 1 Tesalonicenses 2:5 Yachasqaykichikpi hinapas qamkunataqa manam sumaqlataña rimaspachu alabarqaykiku, nitaqmi qollqeta kuyaspaykuchu rimapayarqaykikupas, Diospas chaytaqa yachanmi.
- 1 Tesalonicenses 4:3-7 Diosqa manan mana huchayuq kanaykichiktam hinaspa huchapakuymanta rakikunaykichiktam. 4 Sapakamayá warmillaykichikwan kaychik ama huchallikuspa chaynataq respetaspa. 5 Amayá aychaykichikpa mana allinkuna munaynintaqa ruwaychikchu, Diosta mana reqsiq runakuna hinaqa. 6 Chaynaqa, amayá pipas runamasintaqa kamichunchu nitaq engañachunchu, Señorqa tukuy chaykunataqa vengakunqam. Ñam chaykunamantaqa willarqaykikuña. 7 Diosqa manam millakuypaq hucha ruwaypi purinapaqchu qayawarqanchik, aswanqa payllapaqña kawsanapaqmi.
- 1 Timoteo 3:3,8 upyakuykunapi mana purikuqmi, peleollapi mana purikuqmi, pacienciakuqmi, mana atipanakuqmi, qollqellaman mana qokuruqmi. 8 Diaconokunapas kananku allin respetana runakunam, mana yanqakuna rimaqkunam, tomaykunapi mana purikuqkunam hinaspa mana yanqamanta qollqe ganay munaqkunam.
- 1 Timoteo 6:9,10 Apuyaylla munaqkunaqa tentachikuspam trampaman hina mana valeq kaqkunallaman wichiykunku, chaykunaqa apakun llakillamanmi hinaspa wañuyllamanmi. 10 Qollqella kuyayqa tukuy mana allin ruwaykunapa qallariyninmi. Achkaqmí qollqeta kuyaruspanku Diosman iñisqankumantapas karunchakurunku, hinaspm sasachakuykunapiwan ñakariykunapi tarikunku.
- 2 Timoteo 2:22 Joven kaypa munapayayninkunamanta ayqekuspa allin kaqkunata

maskay, allin ruwayta, iñiyta, kuyakuya hinaspa hawkayayta, haykam chuya sonqonkumanta Señorninchikta qayakuqkunawan kuska.

- 2 Timoteo 3:2 Runakunam kanqaku kikillanpaq munaqkuna, qollqella kuyaqkuna, hatun tukuqkuna, Dios insultaqkuna, mama-taytanku mana kasukuqkuna, mana reqsikuqkuna, huchallapi purikuqkuna,
- 2 Timoteo 3:6 Chayna runakunaqa wasin-wasin purispam huchasapa warmikunata engañanku, chay warmikunaqa tukuy rikchaq munapayaykunapa intusqanmi kachkanku.
- 2 Timoteo 4:3 Chayamunqam tiempokuna allin yachachikuykunata manaña chaskinankupaq, paykunaqa achkallaña yachachikuqkunata huñukuruspankum aychankuman hina munasqallankutaña uyarinqaku.

Tito 2:12 Diospa kuyakuyninmi yachachiwanchik, mana allinkunata saquespa hinaspa aychapa munayninta saquespa, chaynapi allin yuyaymanaywan, allin ruwaywan hinaspa Diospa munasqanman hinaña kay pachapi kawsananchikpaq.

Tito 3:3 Ñawpaqtaqa ñoqanchikpas karqanchik, mana yuyayniyuqmi hinaspa mana kasukuqmi, pantaypi kaspam aychapa munayninkunapi chaynataq tukuy imaymana viciokunapa apasqan karqanchik, mana allinllapi yuyaymanaspam envidiakuspa kawsarqanchik, cheqnichikuspam kikinchikpurapas cheqninakurqanchik.

Hebreos 13:5 Amayá qollqella maskaymanqa qokuruychikchu, aswanqa imam kapusuqnikichikwanyá contentakuychik. Diosmi nirqa: Manapunim qonqasqaykichu nitaqmi saquesqaykichu, nispa.

Santiago 1:14,15 Runaqa sonqonpa munasqankunawan apachikuspanmi tentachikunanpaq aysachikun. 15 Chayna mana allin munaykunamantam huchakuna rikurimun; huchañataqmi llumpayta wiñaruspaqa wañuya apamu.

Santiago 4:1-5 ¿Maymantataq hamun qamkuna ukupi kaq guerrakunawan atipanakuykunaqa? Chaykunaqa hamun ukuykichikmantam, mana allin munasqaykichikmi sonqoykichikpi peleachkan. 2 Imata munaruspapas manam haypankichikchu; wañuchinkichikmi, tukuy imata munaspam envidiakunkichik, manam chay munasqaykichiktaqa haypankichikchu, chaymi atipanakuspa peleankichik ichaqa Diosta mana mañakusqaykichikraykum ima munasqaykichiktapas mana chaskinkichikchu. 3 Mañakuspapas manam chaskinkichikchu, mana allinta mañakusqaykichikrayku hinaspa aychaykichikpa munasqallanpi yanqachanaykichikpaq mañakusqaykichikrayku. 4 ¡Diosta qepanchakuq runakuna! ¿Manachu yachankichik kay pachapi kaqkunallata kuyaruspaqqa Diospa enemigonña kasqaykichikta? Pipas kay pachapi kaqkunallata kuyaruqqa Diospa enemigonmi rikurirun. 5 Manam yanqachu Qellqaqa nin: “Ñoqanchikpi kawsaq Diospa Espiritunmi llumpayta nanachikuwanchik”, nispa.

- 1 Pedro 1:14 Kasukuq churinkuna hinayá kawsaychik, amañayá Diosta manaraq reqsispa ñawpaq vidaykichikpi hinaqa kawsaychikchu.

- 1 Pedro 2:11 Kuyasqay wawqe-panillaykuna, huklaw llaqtayuqta hinaspa illakuyllapi kaqta hinam ruegakuykichik, aychaykichikpa mana allinkuna munasqantaqa amayá ruwaychikchu, chaykunaqa almaykichikpa contranpim peleachkan.
- 1 Pedro 4:2-4 chaynapi kawsanankama Diospa munasqanpi purispa, manaña runakunapa munasqanman hina kawsananpaq. 3 Qamkunaqa unay tiempoñam huchallikurqankichik Diospi mana iñiqkunapa munasqanta ruwaspaykichik, kawsaynikichikpi mana controlakuspa, mana allin munaykunapi, upyakuykunapi, fiesta ruwaykunapi hinaspa leypa contranpi millakuypaq idolokuna yupaychaykunapi purispaykichik. 4 Kunanñataqmi paykunapa ruwasqanman manaña hukllawakuptikichik llakisqallaña kachkanku mana allin ruwayninkunapi manaña kuskanchakuptikichik, chaymi qamkunamantaqa mana allintaña rimanku.
- 2 Pedro 1:4 Chaynintakamam ancha valorniyuq hatun promesankunata qowarqanchik, chaynapi Dioswan huklla kananchikpaq hinaspa kay pachapi mana allin ruway munasqanchikmanta ayqenanchikpaq.
- 2 Pedro 2:3 Qollqe ganakuya munaspankum, allin yachachikuq tukuspanku qamkunamanta negociota ruwakunqaku, paykunaqa ñawpaqmantaraqmi sentenciasqaña kachkanku, chaylla chinkarunankupaq.
- 2 Pedro 2:9-19 Señorqa yachanmi, sasachakuykunamanta serviqninkuna libraytaqa, mana allin runakunatañataqmi ñakarichisparaq juicio punchawpaq waqaychachkan. 10 Diosqa aswanraqmi castiganqa aychanpa munasqanpi hinaspa qanra vidapi puriqkunataqa, paykunaqa hatun tukusparaqmi atiynyuyqunatapas desprecianku, nitaqmi manchakunkuchu hanaq pachapi atiynyuyqunatapas. 11 Angelkunaqa aswan atiynyuyqmi chay pantachikuq profetakunamantaqa, ichaqa manam paykunataqa Señorpa qayllanpiqa ñakay simiwanqa kaminkuchu. 12 Chayna runakunaqa animalkuna hina mana yuyayniyuqmi hinaspa kikillankupaq munasqallanpi kawsaqkunam kanku, nacemurqakupas hapispa wañuchisqa kanankupaqmi, rimankupas mana yachasqankutam, ichaqa animalkuna hinam wañunqaku, 13 pitapas ñakarichisqankuman hinam ñakarinqaku. Paykunaqa kusisqapaq hapikuspankum millakuypaq kaqkunata punchaw pacha ruwanku, fiestaykichikpipas qamkunawan kuspa mikuspankum mana allinkunata ruwaspa kusikunku, paykunaqa penqakuypaq mana allin qanra runakunam. 14 Warmitapas waqllikuy ñawinkuwanmi qawanku, huchallikuyaqa manam aminkuchu, pisi iñiynyuyqunatam engañanku, sonqonpim runapa kaqninta munapayanku, kaykunaqa ñakay runakunam. 15 Allin ñanta saqueruspankum pantaypiña purichkanku, Beorpa churin profeta Balaampa ruwasqantañam qatipakuchkanku, Balaammi qollqe ganayta munaspan mana allin kaqta ruwarqa; 16 chaymi mana rimaq china asno, runa hina rimaruspan huchanmanta anyarqa, hinaspm loco hina ruwasqanta harkakururqa. 17 Chayna runakunaqa kachkan mana yakuyuq pukyu hinam, wayrapa apasqaq

puyukuna hinam, paykunaqa sinchi tutayapaqñam kachkanku. 18 Rimankupas yanqa mana pasaqqunatam, aychapa munasqan mana allin ruwaykunamanmi huchanmanta chayllaraq ayqekuqkunatapas aysanku. 19 Kikinkupuni mana allinkunapa esclavon kachkaspancupas, libre kaytaraqmi prometenku. Pipas vencechikuqqa venceqninpa munaychakusqanmi rikurirun.

2 Pedro 3:3 Tukuy manta llalliriqtaqa kaytayá yachaychik: Qepa punchawkunatam hamunqaku burlakuqkuna hinaspa aychankupa munasqallanpi purikuq runakuna,

1 Juan 2:15-17 Amayá kuyaychikchu kay pachapi mana allin ruwaykunataqa nitaq kay pachapi mana allin kaqkunatapas, chaykunata kuyaqqa manam Dios Taytataqa kuyanchu. 16 Kay pachapi kaqkunaqa kaykunam: Aychapa mana allin munapayayninkuna, ñawipa munapayayninkuna hinaspa imapas kapuqniyuq kaspa hatunchakuykuna, kay mana allin ruwaykunaqa manam Dios Taytamantachu hamun, aswanqa kay pachapi kaqkunallamantam. 17 Kay pachapi mana allin ruwaykunawan mana allin munaykunaqa tukuruqllam, Diospa munasqanta ruwaqmi ichaqa wiñaypaq kawsanqa.

Judas 1:11 ¡Ay, imaynaraq kanqaku! Paykunaqa Cainpa ruwasqantam qatipakuchkanku, qollqueraykum Balaam hina pantarunku, chaynataqmi Coré hina wañurunku mana kasukusqankurayku.

Judas 1:15-19 Llapallan runakunata tukuy rikchaq huchakunapi purisqankumanta, millakuypaq ruwasqankumanta hinaspa paypa contranpi mana allinkuna rimasqankumanta juzgaspa condenanana paqmi hamuchkan", nispa. 16 Paykunaqa runamasinpa qepanpim rimanku, quejakuspallam purinku, kikillankupa munasqankuman hinam purinku, hatun tukuspankuraqmi rimankupas, hinaspm runakunata alabanku imatas paykunamanta chaskirunankurayku. 17 Kuyasqay wawqe-panillaykuna, Señorninchik Jesucristopa apostolninkunapa ñawpaqmantaraq kaykuna nisusqaykichiktayá yuyariyechik. 18 Paykunam kaynata nisurqankichik: Qepa punchawkunatam kanqa burlakuspa aychankupa munayninman hina tukuy rikchaq huchapi puriq runakuna. 19 Paykunaqa rakinakuyllatam harichinku, aychankupa munasqantam ruwanku, paykunapiqa Diospa Espiritunpas manam kanchu.

Apocalipsis 18:14 Chay llaqtatam ninqaku: ¡Llumpay munasqayki miskillaña frutaykikunapas manañam kanñachu, llumpay apu kaynikikunawan sumaqlaña kaqnikikunapas chinkarunñam!